

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za pravosuđe i upravu, Vlada Zeničko-dobojskog kantona, na 134. sjednici, održanoj dana 26.02.2018. godine, donosi

ZAKLJUČAK

I.

Prima se k znanju Izvještaj o radu Kantonalnog suda u Zenici za 2017. godinu.

II.

Izvještaj iz tačke I ovog zaključka upućuje se u dalju skupštinsku proceduru.

III.

Ovaj zaključak stupa na snagu danom donošenja.

Broj: _____/18
Datum, 26.02.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za pravosuđe i upravu,
1x Kantonalni sud u Zenici (putem ministarstva),
1x Stručna služba Skupštine,
1x a/a.

**Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI**

Broj: 004-0-SuDp-18- 000101

**IZVJEŠTAJ O RADU
KANTONALNOG SUDA U ZENICI
ZA 2017. GODINU**

Zenica, 18.01.2018. godine

I - UVODNE NAPOMENE

Kantonalni sud u Zenici je najviša instanca sudske vlasti u Zeničko-dobojskom kantonu. Organizacija, nadležnost, finansiranje, pravosudna uprava i druga pitanja od značaja za organizaciju i funkcionisanje sudova na teritoriji Federacije Bosne i Hercegovine uređene su Zakonom o sudovima u Federaciji Bosne i Hercegovine ("Službene novine Federacije BiH" broj: 38/05, 22/06, 63/10, 72/10, 7/13 i 52/14).

Odredbom člana 28. ovog Zakona je utvrđena stvarna nadležnost kantonalnih sudova propisivanjem prvostepene i drugostepene nadležnosti, dok je odredbom člana 63. Zakona propisano da sudovi podnose godišnju informaciju o svom radu nadležnom ministarstvu pravde i Visokom sudskom i tužilačkom vijeću Bosne i Hercegovine do 31. marta tekuće godine.

Pod jurisdikcijom Kantonalnog suda u Zenici su Općinski sud u Zenici, Općinski sud u Visokom sa Odjeljenjem u Olovu, Općinski sud u Zavidovićima sa Odjeljenjem u Maglaju, Općinski sud u Kaknju, Općinski sud u Žepču i Općinski sud u Tešnju.

Kantonalni sud u Zenici je u 2017. godini poslove i zadatke vezane za ostvarenje sudijske funkcije obavljao kroz svoje 3 organizacione jedinice: građansko, krivično i odjeljenje za upravne sporove.

Pružanje psihološke, tehničke i drugih vidova podrške svjedocima prije, za vrijeme i nakon svjedočenja u krivičnim postupcima koji su se vodili pred Kantonalnim sudom u Zenici je vršeno putem Odjela za podršku svjedocima.

Ostali poslovi i zadaci obavljani su kroz odjeljenje sudske uprave (odsjek za administrativno-tehničke poslove – sudska pisarnica, odsjek za računovodstvo i odsjek za pomoćno-tehničke poslove).

Prema Odluci Visokog sudskog i tužilačkog vijeća Bosne i Hercegovine od 16.12.2009. godine za Kantonalni sud u Zenici je utvrđen broj od 18 redovnih sudija uključujući i predsjednika suda i 6 dodatnih sudija. Zeničko-dobojski kanton od polovine 2010. godine obezbjeđuje novčana sredstva za svih 18 redovnih sudija i dvoje dodatnih sudija.

Na rješavanju predmeta u 2017. godini radilo je u periodu od 01.01.2017. godine do 28.02.2017. godine šesnaest redovnih sudija sa predsjednicom suda i dvoje dodatnih sudija. U periodu od 01.03.2017 do 30.04.2017 godine radilo je sedamnaest redovnih sudija sa predsjednicom suda i dvoje dodatnih sudija. U periodu od 01.05.2017. do 31.10.2017. godine sud je radio u punom sastavu, to jest je osamnaest redovnih sudija sa predsjednicom suda i dvoje dodatnih sudija. U periodu 01.11.2017. do 12.11.2017. godine radilo je sedamnaest redovnih sudija uključujući i predsjednicu suda i dvoje dodatnih sudija, dok je u periodu od 13.11.2017. do 31.12.2017. godine radilo šesnaest redovnih sudija uključujući i predsjednicu suda i dvoje dodatnih sudija. Dakle, u punom sastavu (osamnaest redovnih sudija uključujući i predsjednicu suda i dvoje dodatnih sudija) Kantonalni sud u Zenici je u 2017. godini radio u periodu 01.05.2017. godine do 31.10.2017. godine.

Nepopunjenost suda redovnim sudijama je uzrokovana prestankom mandata sudija zbog imenovanja na funkciju sudija Vrhovnog suda Federacije BiH, odnosno prestanka mandata zbog sticanja uslova za penziju.

U Kantonalnom sudu u Zenici u 2017. godini je radilo 7 državnih službenika i 35 namještenika.

II – PROTOK PREDMETA, KVANTITET RADA, KVALITET RADA, OSTVARENI REZULTATI U RADU NA STARIM PREDMETIMA, TRAJANJE POSTUPAKA NA NIVOU SUDA I IZRADA SUDSKIH ODLUKA

Na kraju 2016. godine u Kantonalnom sudu u Zenici je bilo neriješenih 1279 predmeta. U toku 2017. godine Kantonalni sud u Zenici je zaprimio u rad ukupno 4272 predmeta (522 predmeta manje nego u 2016.godini), tako da je 2017. godini u radu bilo ukupno 5551 predmet. Značajnije smanjenje broja primljenih predmeta u 2017. godini u odnosu na 2016. godinu je zabilježeno na parničnom referatu (u 2016. godini priliv ovih predmeta je iznosio 1611, dok je u 2017. godini priliv ovih predmeta iznosio 1439 ili za 172 predmeta manje), kao i na prekršajnom referatu (u 2016. godini priliv ovih predmeta je iznosio 613, dok je u 2017. godini priliv ovih predmeta iznosio 417 ili za 196 predmeta manje).

U 2017. godini na svim referatima je riješeno 4522 predmeta. Procenat svih riješenih predmeta u 2017. godini u odnosu na priliv u 2017. godini iznosi 105,85 %.

U pogledu izvršnih predmeta taj procenat iznosi 108,37 %, krivičnih 101,46 %, parničnih 109,10 % i prekršajnih 118,70 %.

Na dan 31.12.2017. godine broj neriješenih predmeta u Kantonalnom sudu u Zenici na svim referatima je iznosio 1029 predmeta. U odnosu na 2016. godinu, broj neriješenih predmeta je manji za 250.

Od 1029 neriješenih predmeta, na predmete građanskog odjeljenja otpada 731 predmet (parničnih 466, izvršnih 148, zemljišno-knjižnih 59, privrednih 26 i vanparničnih 32).

Na predmete krivično-prekršajnog odjeljenja otpada 201 predmet (K predmeta 21, Kž predmeta 119, Kbs predmeta 4, Kps predmeta 7, Kvl predmeta 4, Kv predmet 8, K-Mpom 1 predmet, Kpp 2 predmeta i Kmž 1 predmet. Na dan 31.12.2017. godine broj neriješenih drugostepenih prekršajnih predmeta je iznosio 34.

Na predmete odjeljenja za upravne sporove otpada 97 predmeta (U predmeta 94 i Uvp 3 predmeta).

U odnosu na 2016. godinu, broj neriješenih predmeta na kraju 2017. godine je manji na većini referata. Neznatan porast broja neriješenih predmeta na kraju 2017. godine u odnosu na kraj 2016. godine bilježi upravni referat -34. Razlog ovom je što je priliv ovih predmeta u 2017. godini je veći za 23 u odnosu na priliv u 2016. godini. Iako je Kantonalni sud u Zenici u 2017. godini u određenim periodima radio bez jednog, odnosno dvoje sudija, broj neriješenih predmeta na kraju 2017. godine je manji u odnosu na 2016. godinu za 250. Da je to tako proizilazi iz Tabela pregleda - Protok predmeta po vrstama i referatima za 2016. godinu i Tabela pregleda - Protok predmeta po vrstama i referatima za 2017. godinu, a koji pregledi su u prilogu ovog izvještaja.

Ostvarena kolektivna norma suda za 2017. godinu iznosi 118,45 %.

Prosječnu godišnju normu veću od 100 % su ostvarile sve sudije ovog suda koji su na dan 31.12.2017. godine obavljali funkciju sudije Kantonalnog suda u Zenici, kao i sudija Josip Vuković koji je na dan 31.12.2017. godine obavljao funkciju sudije Vrhovnog suda Federacije BiH, ali je njegov rad za 2017. godinu ocijenjen od strane predsjednice Kantonalnog suda u Zenici.

U pogledu sudija koji su u izvještajnom periodu obavljali funkciju predsjednice suda i predsjednika odjeljenja (Snježana Čolaković, Jasmina Begović-Devović, Unkas Arnaut i Hilmo Ahmetović) ostvarene norme prema broju završenih predmeta su preračunate na osnovu određenja iz člana 14. stav 1. tačka c) i člana 15. stav 2. tačka a) i b) Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini (Predsjednica suda je bila u obavezi da ostvari 30% sudijske norme, predsjednica građanskog odjeljenja Jasmina Begović Devović 90% sudijske norme, a predsjednici krivičnog odjeljenja i odjeljenja za upravne sporove sudije Unkas Arnaut i Hilmo Ahmetović su bili u obavezi da ostvare 80% sudijske norme).

Sudijama Jasmini Begović-Devović, Ranki Baškarad, Albisi Kapić, Nusretu Halilović, Nedeljki Mađar-Ramljak, Ljilji Subašić, Mariu Anić, Emiri Džerahović, Hilmi Ahmetović, Indiri Pašić-Balić, Nini Makivić, Rami Ljevaković, Adnanu Baručiji i Josipu Vuković su njihove efektivne norme uvećane za po 10% na osnovu odredbe člana 9. stav 5. Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini prema kojoj odredbi kada sudija u kantonalnom/okružnom sudu i Osnovnom sudu Brčko Distrikta BiH i Sudu BiH postupa u krivičnim prvostepenim predmetima kao član sudskog vijeća, predsjednik suda može prilikom obračuna uvećati njegovu efektivno ostvarenu normu do 40%.

Po nosiocima pravosudne funkcije prosječna godišnja norma iznosi:

I predsjednica suda

- Snježana Čolaković.....165,57%

II Predsjednici odjeljenja:

- Jasmina Begović-Devović.....145,59%
- Hilmo Ahmetović.....126,88%
- Unkas Arnaut.....102,54%

III Sudije:

- Josip Vuković.....115,39% - Ranka Baškarad.....115,75%
- Albisa Kapić.....118,83% - Nusret Halilović.....113,46%
- Nedeljka Mađar-Ramljak..... 118,83% - Ljilja Subašić.....111,23%
- Mario Anić..... 121,43% - Emira Džerahović.....121,99%
- Enes Maličbegović.....146,17% - Nermin Tešnjak.....108,72%
- Adnan Baručija.....114,94% - Indira Pašić-Balić.....117,28%
- Nina Makivić.....117,03% - Ismar Jukić.....109,93%
- Ramo Ljevaković.....103,49%

Ukupan broj donesenih odluka u 2017. godini na koje se mogao izjaviti pravni lijek je 2108. Broj potvrđenih odluka je 307, preinačenih 39, djelimično ukinutih 6 i ukinutih 19.

Kvalitet sudskih odluka za sve predmete na nivou suda iznos 95,29 %.

Za drugostepene građanske predmete (Gž) kvalitet sudskih odluka iznosi 98,71%, za drugostepene privredne predmete (Pž) 98,63 %, za drugostepene predmete radnih sporova (Rsž) 93,25 %, za prvostepene krivične predmete (K) 59,27%, za Kv predmete 87,09 %, a za predmete upravnih sporova 97,33 %.

Po nosiocima pravosudne funkcije kvalitet je sljedeći:

100% kvalitet su ostvarili: predsjednica suda Snježana Čolaković, Ranka Baškarad, Albisa Kapić, Nedeljka Mađar-Ramljak, Ljilja Subašić, Unkas Arnaut, Hilmo Ahmetović, Ramo Ljevaković, Adnan Baručija i Nina Makivić.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Emire Džerahović iznosi 5,56 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,87%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Jasmine Begović-Devović iznosi 4,55 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,81 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Nusreta Halilović iznosi 2,08 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,43%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Maria Anić iznosi 4,55 %, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,77 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Ismara Jukić iznosi 20%, dok taj procenat u odnosu na ukupan broj donesenih odluka na koje se može izjaviti pravni lijek iznosi 3,05 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Enesa Maličbegović iznosi 25%, dok taj procenat u odnosu na ukupan broj donesenih odluka na koje se može izjaviti pravni lijek iznosi 4,76 %.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Nermina Tešnjak iznosi 50%, dok taj procenat u odnosu na ukupan broj donesenih odluka na koje se može izjaviti pravni lijek iznosi 21,74%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Indire Pašić Balić iznosi 3,70%, dok taj procenat u odnosu na ukupan broj donesenih odluka na koje se može izjaviti pravni lijek iznosi 0,93%.

Procenat ukinutih odluka u odnosu na ukupan broj potvrđenih, preinačenih i ukinutih odluka sudije Josipa Vuković iznosi 8,33%, dok taj procenat u odnosu na ukupan broj donesenih odluka na koje se može izjaviti pravni lijek iznosi 2,35%.

Prednji podaci ukazuju da se i u 2017. godini nastavio trend dobrih rezultata rada sudija ovog suda kako po ostvarenim prosječnim godišnjim normama tako i po ostvarenom kvalitetu odluka. Ovakvim rezultatima rada je prethodilo veliko zalaganje sudija i

kontinuirano analiziranje rezultata rada na sjednicama odjeljenja ovog suda u cilju povećanja efikasnosti i kvaliteta sudskih odluka.

U 2017. godini zaprimljeno je ukupno 23 apelacione odluke Ustavnog suda BiH.

U 19 odluka Ustavnog suda BiH izjavljena apelacija protiv odluka ovog suda je odbijena kao neosnovana.

U 4 odluke je došlo do ukidanja odluke ovog suda zbog povrede prava na pravično suđenje iz člana 6. Evropske konvencije i člana II/3.e) Ustava BiH. Radi se o četiri drugostepena prekršajna predmeta.

Tokom 2017. godine nije zaprimljena niti jedna odluka Ustavnog suda BiH kojim bi se ovom sudu naložilo da okonča predmet bez odlaganja zbog kršenja prava na donošenje odluke u razumnom roku. Isto tako, Kantonalni sud u Zenici u 2017. godini nije zaprimio niti jednu odluku Ustavnog suda BiH u kojim je određena naknadu nematerijalne štete zbog kršenja prava na donošenje odluke u razumnom roku od strane ovog suda.

Važno je istaći da Kantonalni sud u Zenici apsolutno poštuje rokove Ustavnog suda BiH u predmetima u kojima je podnesena apelacija, kako s aspekta dostavljanja odgovora na apelaciju, tako i postupanja u postupku izvršenja odluke Ustavnog suda BiH..

Kantonalni sud u Zenici je dana 17.01.2017. godine pod brojem 004-0-SuDp-17-000010 donio Plan rješavanja predmeta za 2017. godinu.

Shodnom primjenom odredbe člana 11. stav 1. Uputstva, Kantonalni sud u Zenici je za neriješene prvostepene krivične predmete na dan 31.12.2016. godine, a koji predmeti ne predstavljaju predmete ratnih zločina, donio plan rješavanja na godišnjem nivou. Ovaj plan je obuhvatio 12 predmeta.

Na osnovu člana 12. stav 1. Uputstva, Kantonalni sud u Zenici je za neriješene predmete izvršnog, krivičnog (predmeti koji ne predstavljaju prvostepene krivične predmete), parničnog, prekršajnog, privrednog, upravnog, vanparničnog i zemljišno-knjižne predmete, za svakog sudiju koji je Godišnjim rasporedom rada sudija za 2017. godinu trebao da rješava predmete ovih referata, donio po 4 kvartalna plana sa određenim brojem najstarijih predmeta koji je svaki sudija bio dužan riješiti u tromjesečnom periodu.

Kvartalni planovi su donošeni i za predsjednicu suda. Prema članu 14. stav 2. tačka c) Pravilnika o orijentacionim mjerilima za rad sudija i stručnih saradnika predsjednica Kantonalnog suda u Zenici je dužna da mjesečno radi neposredno na predmetima i da ostvaruje 30% norme predviđene ovim Pravilnikom. Godišnjim rasporedom rada sudija za 2017. godinu je određeno da će predsjednica Kantonalnog suda u Zenici pored dužnosti predsjednice suda i rada na rješavanju Iksž predmeta i V predmeta koji se odnose na priznavanje stranih sudskih presuda rješavati i predmete drugostepenog građanskog referata. Planovima rješavanja predmeta za četiri kvartala 2017. godine je određeno da će predsjednica suda riješiti 44 najstarijih neriješenih predmeta drugostepenog građanskog referata prema starosti inicijalnog akta u momentu sačinjavanja plana.

Broj predmeta u kvartalnim planovima za sudije, Albisu Kapić, Indiru Pašić-Balić, Jasminu Begović-Devović, Ljilju Subašić, Nusreta Halilović, Ninu Makivić, Nedeljku Mađar-Ramljak, Ranku Baškarad, Unkasa Arnaut, Nermina Tešnjak, Hilmu Ahmetović i Emiru Džerahović je odgovarao određenju iz člana 10.stav 1.Uputstva za izradu plana rješavanja predmeta od 14.12.2016. godine.

Za sudiju Josipa Vuković koji je sa danom 01.11.2017. godine stupi na dužnost sudije Vrhovnog suda Federacije BiH su sačinjena prva tri kvartalna plana. Broj predmeta u kvartalnim planovima je odgovarao određenju iz člana 10. stav 1. Uputstva.

Za sudiju Adnana Baručiju koji je na dužnost sudije Kantonalnog suda u Zenici stupio dana 01.03.2017. godine sačinjavani su drugi, treći i četvrti kvartalni plan, dok je za sudiju Ramu Ljevaković koji je na dužnost sudije ovog suda stupio dana 01.05.2017. godine sačinjavan treći i četvrti kvartalni plan. Broj predmeta u kvartalnim planovima sudije Adnana Baručije je odgovarao određenju iz člana 10. stav 1. Uputstva, dok su za sudiju Ramu Ljevaković kvartalni planovi sačinjavani od raspoloživih predmeta.

Za sudije Maria Anić, Ismara Jukić i Enesa Maličbegović kvartalni planovi su sačinjavani od raspoloživih predmeta.

Prema četiri kvartalna plana za 2017. godinu za stare predmete izvršnog, krivičnog, parničnog, prekršajnog, privrednog, upravnog, vanparničnog i zemljišno-knjižnog referata i Planu rješavanja prvostepenih krivičnih predmeta za 2017. godinu utvrđena je obaveza rješavanja 2497 predmeta.

Na predmete izvršnog referata otpada 374 predmeta, krivičnog 380, parničnog 1073, prekršajnog 197, privrednog 122, upravnog 274, vanparničnog 64 i zemljišno-knjižnog 13.

Četiri kvartalna plana za stare predmete izvršnog, krivičnog, parničnog, prekršajnog, privrednog, upravnog, vanparničnog i zemljišno-knjižnog referata i Plan rješavanja prvostepenih krivičnih predmeta na dan 31.12.2017. godine su realizovani u procentu od 99,84%. (riješena 2493 predmeta, neriješena 4 predmeta).

Jedan predmet upravnog referata (04 0 U 006545 14 U) koji nije riješen predstavlja predmet u kojem ovaj sud sudi kao sud pune jurisdikcije i u kojem predmetu se putem međunarodne pravne pomoći pribavljaju određeni pismeni dokazi iz Australije. Odjeljenje državnog tužioca Vlade Australije svojim dopisom broj 15/6440 od 02.09.2016. godine je obavijestilo Kantonalni sud u Zenici da je Kraljevsko advokatsko udruženje Novog južnog Velsa zakazalo ročište za dan 12.09.2016. godine radi utvrđenja spornih činjenica. Dopisom broj 04 0 U 006545 14 U od 06.03.2017. godine ovaj sud je putem Ministarstva pravde Bosne i Hercegovine obavijestio Vladu Australije o tome na koji način će postupati u pogledu saslušanja gospodina Jana Robertsona. Kantonalni sud u Zenici je u pogledu traženih podataka dana 25.09.2017. godine uputio urgenciju.

Jedan neriješeni prvostepeni krivični predmet (04 0 K 008426 16 K) predstavlja predmet u kojem je za dan 06.02.2018.godine zakazan nastavak glavnog pretresa i kada je planirano davanje završnih riječi. S obzirom na ovu okolnost, opravdano je očekivati da će ovaj predmet biti riješen u prvom kvartalu 2018. godine.

Drugi neriješeni prvostepeni krivični predmet broj: 04 0 K 007666 16 K predstavlja predmet u kojem je optuženo troje lica za krivično djelo teška tjelesna ozljeda iz člana 172. stav 5. u vezi stava 1. u vezi člana 31. KZ FBiH. Nastavak glavnog pretresa u ovom predmetu je zakazan za dan 25.01.2018. godine. Postupak je u fazi izvođenja dokaza odbrane. Predmet bi mogao biti završen do aprila mjeseca 2018. godine pod uslovom da budu ispunjene sve procesne pretpostavke za suđenje.

U drugom kvartalnom planu nalazio se predmet 04 0 K 007290 17 Kps 2 . Predmet nije završen zbog nedostupnosti optuženog. Dana 01.12.2017. godine za optuženim je

raspisana međunarodna difuzna potjernica i od tog datuma predmet se u CMS-u vodi kao nerješiv.

Realizacija planova u procentu od 99,84 % je rezultat izuzetnog zalaganja sudija koji su rješavali predmete iz plana, blagovremenog sačinjavanja planova, kontinuiranih analiza realizacije planova na općoj sjednici i sjednicama građanskog, krivičnog i odjeljenja za upravne sporove, kao blagovremenih aktualizacija mjera koje su doprinosile realizaciji plana.

U planovima rješavanja predmeta proizašlih iz stečaja koji su se sačinjavali na polugodišnjem nivou bilo je 23 predmeta i svi predmeti na dan 31.12.2017. godine su riješeni.

Slijede tabelarni pregledi broja neriješenih predmeta na početku izvještajnog perioda po godinama inicijalnog akta, broja riješenih predmeta u toku izvještajnog perioda po godinama inicijalnog akta, broja neriješenih predmeta na kraju izvještajnog perioda po godinama inicijalnog akta za svakog sudiju.

	Broj neriješenih predmeta na početku izvještajnog perioda po godinama inicijalnog akta										UKUPNO
	2016		2015		2014		2013		<2012		
	%	%	%	%	%	%	%	%	%	%	
SNJEŽANA ČOLAKOVIĆ	5	1,4	3	0,51	2	1,59	4	4,82	2	1,54	16
RAMO LJEVAKOVIĆ	4	1,13	13	2,22		0,00		0,00		0,00	17
NEDELJKA MAĐAR	19	5,35	43	7,35	9	7,14	11	13,25	9	6,92	91
JASMINA BEGOVIĆ	13	3,66	18	3,08	7	5,56	5	6,02	11	8,46	54
ADNAN BARUČIJA	17	4,79	39	6,67							56
LJILJA SUBAŠIĆ	15	4,23	47	8,03	7	5,56	8	9,64	9	6,92	86
ALBISA KAPIĆ	15	4,23	43	7,35	10	7,94	8	9,64	12	9,23	88
MARIO ANIĆ	6	1,69	14	2,39	7	5,56	2	2,41	5	3,85	34
ISMAR JUKIĆ	22	6,20	22	3,76	2	1,59	2	2,41	9	6,92	57
NINA MAKIVIĆ	11	3,10	46	7,86	7	5,56	3	3,61	4	3,08	71
INDIRA BALIĆ	16	4,51	46	7,86	16	12,70	6	7,23	12	9,23	96
JOSIP VUKOVIĆ	9	2,54	48	8,21	12	9,52	6	7,23	14	10,77	89
NUSRET HALILOVIĆ	18	5,07	51	8,72	7	5,56	3	3,61	14	10,77	93
RANKA BAŠKARAD	17	4,79	45	7,69	14	11,11	7	8,43	17	13,08	100
EMIRA DŽERAHOVIĆ	25	7,04									25
UNKAS ARNAUT	24	6,76	26	4,44	4	3,17	5	6,02	2	1,54	61
ENES MALIČBEGOVIĆ	56	15,77	46	7,86	7	5,56	7	8,43	6	4,62	122
NERMIN TEŠNJAK	11	3,10	10	1,71	5	3,97	4	4,82	2	1,54	32
ASIMEZER	17	4,79	25	4,27	7	5,56	2	2,41	2	1,54	53
HILMO AHMETOVIĆ	35	9,86			3	2,38					38
	355	27,8	585	45,7	126	9,851	83	6,489	130	10,164	1279

	Broj riješenih predmeta u toku izvještajnog perioda po godinama inicijalnog akta										UKUPNO
	2017		2016		2015		2014		<2013		
		%		%		%		%		%	
SNJEŽANA ČOLAKOVIĆ	121	12,42	34	2,87	26	2,13	17	4,28	25	3,35	223
JASMINA BEGOVIĆ	21	2,16	59	4,97	51	4,19	21	5,29	62	8,30	214
ADNAN BARUČIJA	11	1,13	53	4,47	69	5,67	16	4,03	27	3,61	176
RAMO LJEVAKOVIĆ	12	1,23	40	3,37	44	3,61	10	2,52	19	2,54	125
LJILJA SUBAŠIĆ	6	0,62	38	3,20	81	6,65	23	5,79	54	7,23	202
ALBISA KAPIĆ	9	0,92	38	3,2	79	6,5	32	8,1	61	8,17	219
MARIO ANIĆ	22	2,26	62	5,23	57	4,68	29	7,30	56	7,50	226
INDIRA BALIĆ	6	0,62	48	4,05	75	6,16	31	7,81	54	7,23	214
JOSIP VUKOVIĆ	4	0,41	18	1,52	81	6,65	27	6,80	47	6,29	177
NUSRET HALILOVIĆ	7	0,72	40	3,37	84	6,90	28	7,05	49	6,56	208
RANKA BAŠKARAD	7	0,72	51	4,30	68	5,58	28	7,05	57	7,63	211
NEDELJKA MAĐAR	7	0,72	55	4,64	83	6,81	26	6,55	46	6,16	217
EMIRA DŽERAHOVIĆ	161	16,53	43	3,63	31	2,55	9	2,27	11	1,47	255
UNKAS ARNAUT	55	5,65	63	5,31	59	4,84	15	3,78	11	1,47	203
ENES MALIČBEGOVIĆ	125	12,83	173	14,59	84	6,90	17	4,28	47	6,29	446
NERMIN TEŠNJAK	46	4,72	70	5,90	42	3,45	12	3,02	20	2,68	190
ASIM PEZER	14	1,44	34	2,87	36	2,96	12	3,02	8	1,07	104
HILMO AHMETOVIĆ	222	22,79	50	4,22	13	1,07	12	3,02		0,00	297
ISMAR JUKIĆ	105	10,78	167	14,08	65	5,34	8	2,02	54	7,23	399
NINA MAKIVIĆ	13	1,33	50	4,22	90	7,39	24	6,05	39	5,22	216
	974	21,5	1186	26,2	1218	26,93	397	8,78	747	16,52	4522

Broj neriješenih predmeta na kraju izvještajnog perioda po godinama inicijalnog akta											
	2017		2016		2015		2014		<2013		UKUPNO
		%		%		%		%		%	
SNJEŽANA ČOLAKOVIĆ	11	3	3	0,8	1	1,0	1	1,4	4	4,26	20
JASMINA BEGOVIĆ	7	1,97	9	2,29	9	9,00	4	5,56	10	10,64	39
LJILJA SUBAŠIĆ	19	5,35	30	7,63	7	7,00	7	9,72	9	9,57	72
ALBISA KAPIĆ	21	5,92	45	11,45	5	5,00	6	8,33	5	5,32	82
MARIO ANIĆ	6	1,69	13	3,31	5	5,00	1	1,39		0,00	25
INDIRA BALIĆ	18	5,07	36	9,16	6	6,00	5	6,94	7	7,45	72
ADNAN BARUČIJA	19	5,35	31	7,89	6	6,00	4	5,56	12	12,77	72
NUSRET HALILOVIĆ	25	7,04	42	10,69	8	8,00	5	6,94	2	12,77	92
RAMO LJEVAKOVIĆ	8	2,25	11	2,80	4	4,00	2	2,78	2	2,13	27
RANKA BAŠKARAD	21	5,92	33	8,40	7	7,00	9	12,50	6	6,38	76
NEDELJKA MAĐAR	17	4,79	40	10,18	9	9,00	9	12,50	7	7,45	82
EMIRA DŽERAHOVIĆ	50	14,08		0,00		0,00		0,00		0,00	50
UNKAS ARNAUT	17	4,79	22	5,60	13	13,00	7	9,72	4	4,26	63
ENES MALIČBEGOVIĆ	27	7,61	16	4,07	1	1,00	1	1,39	5	5,32	50
NERMIN TEŠNJAK	18	5,07	19	4,83	12	12,00	1	1,39	5	5,32	55
ASIM PEZER		0,00		0,00		0,00		0,00		0,00	0
HILMO AHMETOVIĆ	47	13,24		0,00		0,00	1	1,39		0,00	48
ISMAR JUKIĆ	25	7,04	10	2,54	2	2	5	6,94	2	2,13	44
NINA MAKIVIĆ	14	3,94	33	8,4	5	5	4	5,56	4	4,26	60
	35		39		10	9,71	7		9		
	5	34,5	3	38,2	0	8	2	7,00	4	9,14	1029

Podaci iz tabelarnih pregleda pokazuju, između ostalog, da u strukturi riješenih predmeta u 2017. godini na predmete u kojima je inicijalni akt iz 2013. godine i prije otpada 747 predmeta ili 16,52 %, dok broj neriješenih predmeta u kojima je inicijalni akt iz 2013. godine i prije na kraju izvještajnog perioda iznosi 94 ili 9,14 %. Neriješeni predmeti u kojima je inicijalni akt iz 2013. godine i prije i u kojim predmetima nema smetnji za suđenje su u ovaj sud dominantno zaprimljeni u posljednjem kvartalu 2017. godine. Broj neriješenih predmeta u kojima je inicijalni akt iz 2013. godine i prije na početku izvještajnog perioda je iznosio 217.

Najveći broj neriješenih predmeta na kraju izvještajnog perioda su predmeti u kojima inicijalni akt potiče iz 2016. godine (393), 2017. godine (355) i 2015. godine (100).

Ovi pokazatelji nesumnjivo ukazuju da je Kantonalni sud u Zenici i u 2017. godini vodio računa da predmete rješava prema starosti inicijalnog akta tj. da prioritet u rješavanju imaju tzv. stari predmeti, te da se broj tzv. starih predmeta značajno smanjuje.

Iz CMS izvještaja čiji naziv je Statistika trajanja predmeta po referatima, vrstama predmeta i načinu završetka, a koji izvještaj je sastavni dio ovog izvještaja, proizilazi da je prosječno trajanje riješenih 4522 predmeta svih referata ovog suda u 2017. godini iznosilo 98 dana.

Prosječno trajanje riješenih parničnih predmeta je iznosilo 138 dana, privrednih 94 dana, izvršnih 103 dana, upravnih 84 dana, krivičnih 67 dana, prekršajnih 27 dana, vanparničnih 58 dana i zemljišno-knjižnih 206 dana.

Od 2012. godine u sudovima Bosne i Hercegovine se sprovodi Pravilnik o vremenskim okvirima za postupanje u predmetima („Službeni glasnik BiH“ broj 5/13, 101/13, 6/14, 10/15, 56/15). Pravilnikom su definisani optimalni i predvidivi rokovi.

Kantonalni sud u Zenici je dana 09.01.2017. godine donio Odluku o utvrđivanju predvidivih rokova za rješavanje pojedinih vrsta predmeta iz nadležnosti Kantonalnog suda u Zenici za 2017. godinu za period 01.01.2017. do 31.12.2017. godine.

Broj neriješenih predmeta obuhvaćenih Odlukom o predvidivim rokovima na dan 01.01.2017. godine je iznosio 1225 predmeta.

U periodu od 01.01.2017. do 31.12.2017. godine primljen je 3601 predmet obuhvaćenih Odlukom o predvidivim rokovima, tako da je ukupan broj u radu ovih predmeta iznosio 4826 predmeta. Od ovog broja riješeno je 3840 predmeta, od čega je 2990 (77,86 %) riješeno u optimalnom roku, a u predvidivom roku je riješeno 3803 predmeta (99,03%), dok je broj riješenih predmeta sa prekoračenjem predvidivog roka iznosio 37 (0,97%).

Broj neriješenih predmeta koji su obuhvaćeni Odlukom o predvidivim rokovima na dan 31.12.2017. godine je 980. Od tog broja u 134 predmeta je došlo do prekoračenja optimalnog roka, dok je predvidivi rok prekoračen u 6 predmeta. Prosječno trajanje neriješenih predmeta na kraju perioda iznosi 98 dana.

Prednji podaci ukazuje da je ovaj sud najveći broj predmeta riješio u optimalnim rokovima. Zadatak suda je da se i u narednom periodu očuva postignuta efikasnost. Sa postojećim brojem nosilaca pravosudne funkcije (osamnaest redovnih sudija uključujući i predsjednicu suda i dvoje dodatnih sudija) smatramo da će zadatak biti ispunjen.

Rokovi za izradu sudskih odluka su se dosljedno poštovali u svim predmetima.

III - RAD KRIVIČNOG ODJELJENJA

U okviru krivičnog odjeljenja vrše se poslovi koji se odnose na poslove prvostepenog i drugostepenog suđenja u krivičnim predmetima, zatim ujedinjenje kazne i brisanje osuda, postupci vezani za molbe za pružanje međunarodne pravne pomoći i izručenje okrivljenih i osuđenih lica, postupci za pomilovanje osuđenih lica, poslovi propisani zakonom koji se obavljaju u okviru referata za prethodni postupak i prethodno saslušanje. U okviru ovog odjeljenja vrše se i poslovi koji se odnose na drugostepeni prekršajni referat.

III A) Potvrđivanje optužnica "Kps"

U toku 2017. godine primljeno je 29 Kps predmeta. Ukupno u radu ovih predmeta je bilo 32, riješeno je 25 predmeta, tako da je na kraju 2017. godine ostalo neriješeno 7 Kps predmeta.

U ovim predmetima su se sudije pridržavale rokova utvrđenih Zakonom o krivičnom postupku Federacije Bosne i Hercegovine, što znači da je u svim predmetima odlučeno o optužnici u roku od 8 dana i u istim je u zakonskom roku održano ročište za izjašnjenje o krivnji. Po svim predmetima u kojima je potvrđena optužnica i nakon što su prerasli u " K " fazu, suđenje je zakazano u zakonom određenom roku od 60 dana.

U okviru krivičnog odjeljenja završen je 182 Kpp predmet (pojedine istražne radnje), 108 Kv predmeta koji predmeti se odnose na rješavanje po žalbama na rješenje o određivanju pritvora, odlučivanje po prijedlozima osuđenih lica za ponavljanje postupka, zahtjevi za prekid postupka izdržavanja kazne i drugo.

III B) Prvostepeni krivični referat

Prema članu 28. stav 1. tačka a) Zakona o sudovima u Federaciji Bosne i Hercegovine prvostepena nadležnost kantonalnih sudova se ogleda u suđenju za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda.

Na prvostepenom krivičnom referatu u 2017. godini bilo je ukupno u radu 52 predmeta, od kojih je riješeno 31 predmet.

25 riješena prvostepeni krivičnih predmeta se odnose na opšti kriminal, korupciju i organizovani kriminal, dok 6 riješenih predmeta predstavljaju predmete ratnih zločina. Na kraju godine ostalo je neriješeno 21 predmeta, 19 predmeta opšti kriminal, organizovani kriminal i korupcija i 2 predmeta ratnog zločina.

Od 21 neriješeni predmet, u 4 predmeta ne postoje procesne pretpostavke za postupanje, jer su optuženi u bjekstvu i za istim je raspisana potjernica koja nije realizovana.

Od 31 završenih K predmeta, 24 predmeta su završeni osuđujućom presudom, te je u tim predmetima izrečena ukupna kazna zatvora protiv 30 lica u trajanju od 90 godina i 1mjesec. U 2017. godini, 5 prvostepeni krivičnih predmeta su se riješili donošenjem oslobađajuće presude. U jednom predmetu je odbijena optužba dok je jedan predmet završen donošenjem rješenja o prekidu postupka.

U 2017. godini u 7 predmeta je donesena presuda na osnovu zaključenog sporazuma o priznanju krivnje, što čini procentualno 19,35 % u odnosu na broj završenih predmeta na K referatu. U tim predmetima izrečene su kazne zatvora za 7 lica u ukupnom trajanju od 9 godina i 6 mjeseci.

U strukturi završenih prvostepeni krivičnih predmeta, 7 predmeta ili 22,58 % se odnosi na krivično djelo razbojništva iz člana 289. stav 2 KZ FBiH, 6 ili 19,35% predmeta se odnosi na krivično djelo ubistva iz člana 166. stav 1. i 2. KZ FBiH, 2 ili 6,45 % se odnose na teška krivična djela protiv sigurnosti saobraćaja iz člana 336. stav 2. i 4. KZ FBiH, 1 ili 3,22 % se odnose na krivično djelo neovlašćena proizvodnja i stavljanje u promet opojnih droga iz člana 238. stav 2. KZFBiH, 1 ili 3,22 % se odnose na krivično djelo razbojnička krađa iz člana 288. stav 1. KZFBiH, 1 ili 3,22 % se odnose na krivično djelo teška krivična djela protiv opće sigurnosti ljudi i imovine iz člana 328. stav 2. KZFBiH, 1 ili 3,22 % se odnose na krivično djelo nedozvoljeno držanje oružja ili eksplozivnih materija iz člana 371. stav 1.

KZFBiH, 3 ili 9,67 % se odnose na krivično djelo zloupotreba položaja ili ovlašćenja iz člana 383. stav 3. KZFBiH, 1 ili 3,22 % se odnose na krivično djelo pronevjera u službi iz člana 384. stav 1. KZFBiH, 5 ili 16,12 % se odnose na krivično djelo ratni zločin protiv civilnog stanovništva iz člana 1428. stav 1. KZFBiH, 1 ili 3,22 % se odnose na krivično djelo ratni zločin protiv zarobljenika iz člana 144. KZFBiH, 1 ili 3,22 % se odnose na krivično djelo zloupotreba položaja ili ovlasti iz člana 358. stav 3. KZFBiH,

III C) Predmeti ratnog zločina

U 2017. godini u radu je bilo ukupno 10 predmeta ratnih zločina (8 prvostepenih krivičnih predmeta – K predmeti i 2 predmeta u fazi potvrđivanja optužnice – Kps predmeti). Broj prenesenih predmeta iz 2016. godine je 5. U Akcionom pregledu rješavanja prvostepenih krivičnih predmeta za 2017. godinu bila su 3 predmeta, od kojih su sva 3 predmeta riješena.

U 2017. godini riješeno je 8 predmeta ratni zločin. 6 riješenih predmeta predstavljaju prvostepene krivične predmete

2 riješena predmeta predstavljaju Kps predmete-potvrđivanje optužnice.

Dva prvostepena krivična predmeta su okončana osuđujućim presudama kojim je obuhvaćeno 4 lica sa izrečenom kaznom zatvora od po jednu godinu zatvora, ukupno 4 godine zatvora.

U tri riješena prvostepena krivična predmeta donesena je oslobađajuća presuda kojom je obuhvaćeno 4 lica dok je u jednom prvostepenom krivičnom predmetu doneseno rješenje o obustavi postupka zbog bolesti optuženog.

U jednom predmetu-ratni zločin ne postoje procesne pretpostavke za suđenje budući da je za optuženim raspisana potjernica koja nije realizovana. Rad na predmetima ratnih zločina predstavlja apsolutni prioritet, a što znači da se na svim predmetima tokom 2017. godine kontinuirano i intenzivno radilo. Blagovremeno je donesen Akcioni pregled K predmeta za 2017. godinu, planiran je dovoljan broj sudija za rad na predmetima ratnih zločina, kontinuirano je praćeno rješavanja predmeta ratnih zločina. Vršeno je blagovremeno dostavljanje izvještaja o rješavanju predmeta ratnih zločina. Sve ovo je rezultiralo činjenicom da su svi predmeti iz Akcionog pregleda predmeta ratnih zločina riješeni sa danom 31.12.2017. godine.

III D) Predmeti korupcije i organizovanog kriminala

U 2017. godini u sud su zaprimljena 6 predmeta koji se odnose na krivična djela iz glave XXXI KZ FBiH, tako da je u radu bilo ukupno 9 predmeta. U izvještajnom periodu riješeno je 5 takvih predmeta (3 predmeta se odnose na krivično djelo zloupotreba položaja ili ovlašćenja iz člana 383. stav 3. KZ FBiH, 1 predmet krivično djelo pronevjera u službi iz člana 384. stav 1. KZ FBiH, i 1 predmet za krivično djelo zloupotreba položaja ili ovlasti iz člana 358. stav 3. KZFBiH). 3 predmeta su okončani osuđujućom presudom, dok su u dva predmeta donesene oslobađajuće presude Osuđena su 3 lica sa ukupnom kaznom zatvora 4 godine i 4 mjeseci.

Imajući u vidu činjenicu da je borba protiv korupcije jedan od najvećih izazova sa kojim se suočava Bosna i Hercegovina u postupku integracija u EU, Kantonalni sud u Zenici će predmetima korupcije i organizovanog kriminala davati apsolutni prioritet u radu.

U 2017. godine u prvostepnim krivičnim predmetima nije bilo obustava postupka zbog nastupanja zastare.

Sud je u toku 2017. godine odredio pritvor protiv 57 lica osumnjičenih da su počinili krivično djelo.

Sud je u 2017. godini u 31 predmeta za 42 lica postavio braniocce po službenoj dužnosti i to zbog obavezne odbrane i slabog imovnog stanja kako je to predviđeno odredbama Zakona o krivičnom postupku. Svi postavljeni branioci po službenoj dužnosti su iz reda advokata.

III E) Drugostepeni krivični referat

U nadležnosti ovog referata je odlučivanje o žalbama izjavljenim protiv odluka općinskih sudova u krivičnom postupku.

Na kraju 2016. godine na ovom referatu je ostalo 128 neriješenih predmeta. U 2017. godini je primljeno 392 predmeta. Riješen je 401 predmet, a ostalo neriješeno 119 predmeta. U odnosu na 2016. godinu broj neriješenih drugostepenih krivičnih predmeta je manji za 9.

U strukturi primljenih drugostepenih krivičnih predmeta najveći broj tj. 48 predmeta se odnose na krivično djelo šumska krađa iz člana 316. stav 1. i 2. KZ FBiH, 47 predmeta se odnosi na krivično djelo teška krađa iz člana 287. stav 1., 2. 3. 4. KZ FBiH, 23 predmeta se odnose na krivično djelo nasilničko ponašanje iz člana 362. stav 2. KZ FBiH, 19 predmeta se odnosi na krivično djelo neovlašćena proizvodnja i stavljanje u promet opojnih droga iz člana 238. stav 1. KZ FBiH, 12 predmeta se odnosi na posjedovanje i omogućavanje uživanja opojnih droga iz člana 239. stav 3. KZ FBiH, 19 predmeta se odnosi na krivično djelo teška tjelesna povreda iz člana 172. stav 1., 2. i 3. KZFBiH, 16 predmeta se odnosi na krivično djelo ugrožavanja sigurnosti iz člana 183. stav 1., 2. i 3. KZ FBiH, 28 predmeta se odnosi na krivično djelo krađa iz člana 286. stav 1. i 2. KZ FBiH, 17 predmeta se odnosi na krivično djelo teška krivična djela protiv sigurnosti javnog prometa iz člana 336. stav 1., 3. i 4. KZ FBiH, 13 predmeta se odnosi na zloupotrebu položaja ili ovlašćenja iz člana 383. stav 1. i 2. KZFBiH, 17 predmeta se odnosi na krivično djelo nasilje u porodici iz člana 222. stav 1. i 2. KZ FBiH, 14 predmeta se odnosi na krivično djelo prijevара iz člana 294. stav 1., 2. i 3. KZ FBiH, 4 predmeta se odnosi na krivično djelo lahka tjelesna ozljeda iz člana 173. stav 1. KZ FBiH.

U okviru drugostepenog krivičnog referata 14 riješenih predmeta su predmeti iz oblasti korupcije.

U 2017. godinu riješena su i 2 Kžk predmeta u kojima je ukinuta odluka prvostepenog suda i održan pretres pred ovim sudom.

U toku 2017. godine u jednom drugostepenom krivičnom predmetu optužba je odbijena zbog nastupanja apsolutne zastare krivičnog gonjenja. Prvostepeni predmet je u Kantonalni sud u Zenici, radi donošenja odluke po žalbi, zaprimljen dana 15.12.2016. godine. Apsolutna zastara krivičnog gonjenja u ovom predmetu je nastupila dana 03.01.2017. godine, a rješenje po žalbi je donijeto 23.02.2017. godine.

III F) Drugostepeni prekršajni referat

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnom postupku.

U 2017. godini na ovom referatu u radu je bilo 529 predmeta. Riješeno je 495 predmeta. Na kraju godine ostalo je neriješeno 34 predmeta. Ovim predmetima se posvećuje posebna pažnja i prioritetno uzimaju u rad kako ne bi nastupila zastara.

U toku 2017. godine u četiri drugostepena prekršajna predmeta su donijeta rješenja o obustavi prekršajnog postupka zbog nastupanja zastare. Ovdje je važno istaći da su u sva četiri predmeta zastare nastupila znatno prije nego što su predmeti dostavljeni Kantonalnom sudu u Zenici, radi donošenja odluke po žalbi.

IV - GRAĐANSKO ODJELJENJE

U okviru građanskog odjeljenja odlučuje se, između ostalog, o žalbama protiv odluka općinskih sudova iz građansko-pravne i privredne oblasti i o drugim redovnim i vanrednim pravnim lijekovima, a rješavaju se i zahtjevi za priznanje stranih sudskih odluka.

IV A) Drugostepeni građanski referat

Na drugostepenom građanskom referatu (izvršni, parnični, vanparnični i zemljišno-knjižni) na kraju 2016. godine je ostalo neriješeno 877 predmeta u kojem broju su uvršteni i predmeti radnih sporova.

U 2017. godini broj primljenih predmeta drugostepenog građanskog referata je iznosio 2318 Broj riješenih predmeta je 2490. Na dan 31.12.2017. godine ovaj sud nije imao nijedan neriješen predmet ovih referata, a da je predmet u ovaj sud zaprimljen tokom 2016. godine ili prije. Neriješeni predmeti su ovaj sud zaprimljeni dominantno u drugoj polovini 2017. godine.

Imajući u vidu naprijed navedene podatke, očigledno je da je Kantonalni sud u Zenici prednje referate učinio ažurnim.

U strukturi riješenih predmeta drugostepenog građanskog referata 242 predmeta se odnose na naknadu štete, na zemljišno-knjižne sporove 100, na brakorazvodne sporove 36, utvrđenje bračne stečevine 36, izdržavanje djece 15, utvrđenje i uknjižba 41, 450 predmet se odnosi na radni spor, dok se ostali predmeti odnose na smetanje posjeda, poništenje i utvrđenje ništavosti, uređenje međa, određivanje staranja o djetetu i razne izvršne predmete.

Od 2490 riješenih predmeta, prvostepena odluka je ukinuta u 60 predmeta, što od ukupnog broja riješenih predmeta čini procenat od 2,40% .

IV B) Drugostepeni privredni referat

Na predmetima privrednog referata (L-Pž, Mals-Pž, Ps-Pvl, Ps-Pž, Reg-Pž i St-Pž) na kraju 2016. godine je ostalo neriješeno 47 predmeta. U 2017. godini primljeno je 179 predmeta. Riješeno je 200 predmeta. Broj neriješenih predmeta na kraju 2017. godine iznosi 26. Neriješeni predmeti su u ovaj sud zaprimljeni dominantno u novembru i decembru 2017. godine. Kantonalni sud u Zenici iz godine u godinu smanjuje ne samo broj neriješenih drugostepenih privrednih predmeta, već smanjuje i vrijeme rješavanja ovih predmeta. U 2016. godini prosječno trajanje riješenih drugostepenih predmeta je iznosilo 114 dana, dok u 2017. godini to vrijeme iznosi 94 dana.

IV C) Priznanje stranih sudskih odluka

Na referatu priznanje stranih sudskih odluka „V“ u 2017. godini ukupno u radu je bio 120 predmet. Riješeno je 114 predmeta.

V - ODJELJENJE ZA UPRAVNE SPOROVE

Prema Zakonu o upravnim sporovima („Službene novine Federacije BiH“ broj 9/05) kantonalni sudovi u upravnim sporovima odlučuju o zakonitosti akata kojim organi uprave i službe za upravu u općini i gradu, odnosno privredna i druga društva, ustanove i druga pravna lica koja imaju javna ovlaštenja da rješavaju o pravima i obavezama pojedinaca i pravnih lica u pojedinačnim upravnim stvarima i to prema sjedištu prvostepenog organa, odnosno njegove organizacione jedinice.

Na referatu upravnih sporova prenesena su 63 predmeta iz 2016. godine. U toku 2017. godine primljena su 464 predmeta. Završeno je 430. Ostalo je neriješeno 97 predmeta.

Na ovom referatu je i u 2017. godini zadržana zavidna ažurnost.

U strukturi primljenih i riješenih predmeta upravnih sporova bilo je 104 predmeta koji se odnose na penzijsko i invalidsko osiguranje, 55 predmeta se odnose na oblasti poreza, a 27 predmeta se odnose na boračko-invalidsku zaštitu. Ostali predmeti se odnose na oblast građenja, komunalne i druge naknade, sporove vezane za primjenu Zakona o izbjeglicama i raseljenim licima i drugo.

Na ovom referatu predmeti se u prosjeku završavaju uglavnom u roku od tri mjeseca od prijema tužbe u sud, s tim što su prioritet u radu imali predmeti koji se odnose na primjenu imovinskih zakona i boračko-invalidske zaštite, kao i predmeti zaštite sloboda i prava zajamčenih Ustavom koji su i po Zakonu o upravnim sporovima propisani kao predmeti hitne prirode u okviru referata upravnih sporova.

VI - SUDSKA UPRAVA

Poslovi kojim se obezbjeđuju uslovi za pravilan rad i poslovanje suda obavljaju se u okviru sudske uprave.

U cilju praćenja ažurnosti suda, Odjeljenje sudske uprave kontinuirano prati ažurnost rada suda na svim referatima na način što se vrši statističko utvrđivanje stanja riješenih i neriješenih predmeta sa kojima je zadužen svaki sudija, stanje neriješenih predmeta iz ranijih godina, te izrada sudskih odluka u zakonom utvrđenim rokovima. Te analize omogućavaju da uprava suda i rukovodioci sudskih odjeljenja na kraju svakog mjeseca znaju koliko je predmeta ostalo neriješeno, na kojim referatima, koliko predmeta je primljeno u rad tokom mjeseca, koliko predmeta je riješeno po svakom sudiji na referatima, na koji način su predmeti riješeni i kvalitet sudskih odluka.

U 2017. godini održano je 6 sjednica stručnog kolegija suda, 9 sjednica krivičnog odjeljenja, 10 sjednica građanskog odjeljenja i 9 sjednica upravnog odjeljenja.

Na sjednicama stručnog kolegija i sjednicama građanskog, krivičnog i upravnog odjeljenja razmatrana su aktuelna pitanja od interesa za rad suda, ažurnost suda i sudija. Razmatrani su nacrti zakonskih akata i davana mišljenja i sugestije na te nacрте.

U 2017. godini održana su dva sastanka sa predsjednicima općinskih sudova sa područja Kantonalnog suda u Zenici. Na sastanku koji je održan 24.03.2017. godine razmatrani su Izvještaji u o radu Kantonalnog suda u Zenici i općinskih sudova sa područja Kantonalnog suda u Zenici za 2016. godinu s posebnim osvrtom na rješavanje starih predmeta

i stečajnih predmeta, a razgovarano je i o aktuelnim problemima sudova s aspekta uslova rada, finansiranja troškova i slično.

Na sastanku koji je održan 08.11.2017. godine prezentovani su podaci vezani za protok predmeta po referatima i vrstama za period od 01.01.2017. godine do 30.09.2017. godine kao i podaci o realizaciji planova rješavanja starih predmeta za 9 mjeseci 2017. godine. Ovom sastanku je prisustvovao i ministar Ministarstva za pravosuđe i upravu Zeničko-dobojskog kantona. Na sastanku su razmatrani problemi i aktivnosti u radu sudova s aspekta uslova rada, finansiranja troškova sudova i slično.

Dana 02.11.2017. godine održan je sastanak na kojem su prisustvovali premijer Zeničko-dobojskog kantona, ministri za pravosuđe i upravu i finansije Zeničko-dobojskog kantona glavna tužiteljica Kantonalnog tužilaštva Zeničko-dobojskog kantona i predsjednice Općinskog suda i Kantonalnog suda u Zenici. Povod za održavanje sastanka bila je razmjena informacija s ciljem prepoznavanja zajedničkih prioriteta i unapređenja ukupnog procesa rada i efikasnosti pravosuđa u Zeničko-dobojskom kantonu. Jedna od tema razgovora je bila i priprema Budžeta za 2018. godinu za ove tri pravosudne institucije. Na sastanku je naglašeno da će se Vlada Zeničko-dobojskog kantona zalagati za nezavisno i efikasno pravosuđe i da će učiniti sve kako bi se obezbijedili uslovi za što bolje funkcionisanje pravosudnih institucija na području Zeničko-dobojskog kantona.

U 2017. godini zaprimljeno je 2071 različit Su predmet (SuSpi, SuFin, SuIT, SuPov i SuDp) i svi su riješeni. Ovi predmeti nisu sadržani u priloženim tabelarnim pregledima.

Kantonalni sud u Zenici je u 2017. godini primio 61 zahtjev za slobodan pristup informacijama u kojima su tražene različite informacije na osnovu Zakona o slobodi pristupa informacijama u Federaciji Bosne i Hercegovine („Službene novine Federacije BiH“ broj 32/01 i 48/11).

Postupajući po ovim zahtjevima, Kantonalni sud u Zenici je omogućio slobodan pristup traženim informacijama, na način da su za sve podnosiocima zahtjeva donesena rješenja o dozvoli pristupa informacijama uz dostavljanje tražene dokumentacije ili vršenjem neposrednog uvida u tražene predmete. Kantonalni sud u Zenici je izvještaj o slobodi pristupa informacijama u 2017. godini dostavio Instituciji Ombudsmena za ljudska prava Bosne i Hercegovine i Parlamentu Federacije BiH.

U 2017. godini uspješno je realizovan program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji BiH, Visokog sudskog i tužilačkog vijeća BiH, Agencije za državnu službu u Federaciji BiH i drugih institucija koje se bave stručnim osposobljavanjem sudija, državnih službenika i ostalih zaposlenika. Sve sudije su obavezu edukacije ispunile provodeći potrebne dane na edukaciji koja je obavljena kroz održane seminare, konferencije i razne okrugle stolove na kojima su razmatrana aktuelna pitanja vezana za primjenu zakona iz krivičnopravne, građanske i upravne oblasti u Federaciji BiH, etičkih standarda, najnovijih stručnih i naučnih dostignuća u oblasti prava i sudske prakse drugih zemalja.

Državni službenici i namještenici su kroz seminare organizovane putem Agencije za državnu službu u Federaciji BiH prisustvovali određenim seminarima u skladu sa Programom stručnog usavršavanja donesenim od strane ove Agencije.

Interno stručno usavršavanje realizovalo se popunjavanjem sudske biblioteke stručnom literaturom koja je kupljena iz budžetskih sredstava namijenjenih za ove potrebe. Iz ovog suda, jedan sudija je na seminarima u 2017. godini, kao verifikovani edukator, bio

angažovan od strane Centra za edukaciju sudija i tužilaca u Federaciji BiH u cilju edukacije sudija, stručnih saradnika i pripravnika.

U nadležnosti sudske uprave je i referat izvršenja krivičnih sankcija (Iksž) koji je potpuno ažuran i efikasan, jer se predmeti ove vrste završavaju u zakonskom roku od 3 dana od prijema u sud, kako je to propisano Zakonom o izvršenju krivičnih sankcija u Federaciji Bosne i Hercegovine ("Službene novine Federacije BiH" broj: 44/98, 42/99, 12/09 i 42/11). Na dan 31.12.201. godine ovaj sud nije imao nijedan neriješen Iksž predmet (riješeno 40 predmet).

U 2017. godini niti u jednom Iksž predmetu nije nastupila zastarjelost izvršenja kaznene mjere.

Temeljem odredbe člana 160. Zakona o krivičnom postupku Federacije BiH ("Službene novine Federacije BiH" broj 35/03, 37/03, 56/03, 78/04, 28/05, 55/06, 27/07, 53/07 i 22/09) u 2017. godini je 12 puta izvršen obilazak pritvorenika u Odjeljenju pritvora Kazneno popravnog zavoda zatvorenog tipa Zenica.

Odjeljenje sudske uprave postupa i po predstavkama građana i drugih pravnih subjekata. U 2017. godini sud je primio 81 predstavku koje su se uglavnom odnosile na urgentno rješavanje predmeta po žalbi i to na drugostepenom parničnom.

Podnosioci predstavki su blagovremeno obavještavani o vremenu kada će predmet po redoslijedu rješavanja biti završen.

U Kantonalnom sudu u Zenici, svi predmeti koji se tiču suđenja se vode elektronski što omogućava efikasno praćenje rada na predmetima. Sud je u potpunosti tehnički opremljen za rad u CMS sistemu, a koji sistem se u cjelosti primjenjuje u ovom sudu.

Procedura prijema novih zaposlenika je vršena na način koji je utvrđen Zaključkom Vlade Zeničko-dobojskog kantona broj: 02-34-9842/11 od 07.04.2011. godine. Nije bilo novog zapošljavanja, jer to nije planirano u Budžetu suda za 2017. godinu. Potrošnja kancelarijskog materijala je svedena u okvire neophodno potrebnog. Službena putovanja su svedena na najmanju mjeru. Korištenje službenog fiksnog i mobilnog telefona dozvoljeno je samo u službene svrhe. Kantonalni sud u Zenici se uvijek racionalno ponašao i namjenski trošio odobrena sredstva iz budžeta suda. Uz sve provedene mjere štednje uspješno se ostvarila funkcija suda.

U 2017. godini su u potpunosti izostale poteškoće vezane za neizmirenje finansijskih obaveza za bratioce po službenoj dužnosti jer na dan 31.12.2017. godine nije bilo neizmirenih finansijskih obaveza suda iz 2017. godine po ovom osnovu. Ranijih godina neizmirene obaveze po ovom osnovu su bile enormno visoke. Tako je na kraju 2014. godine neizmirena obaveza suda po osnovu neplaćenih službenih odbrana za 2013. i 2014. godinu iznosila 479.439,70 KM.

Interne mjere štednje će ostati na snazi i u 2018. godini kako bi odobrenim novčanim sredstvima Kantonalni sud u Zenici mogao uspješno funkcionisati.

VI A) Saradnja sa drugim institucijama

U 2017. godini sud je kao i ranijih godina ostvario izuzetno dobru saradnju sa Visokim sudskim i tužilačkim vijećem BiH koje ga prati u njegovom radu i pruža punu podršku radi ostvarivanja nezavisnog, nepristrasnog i profesionalnog pravosuđa.

Početakom 2016. godine u Kantonalnom sudu u Zenici je otvoren novoizgrađeni Odjel za podršku svjedocima. Odjel za podršku svjedocima je odgovoran, između ostalog, za pružanje psihološke, socijalne i logističke pomoći svjedocima koji se pojavljuju u krivičnim predmetima ovog suda. Primarni cilj je da se obezbijedi odgovarajuća podrška ili pomoć svjedocima za vrijeme i poslije suđenja, te pružanjem profesionalnih usluga izbjegne mogućnost da svjedočenje izazove dodatne negativne posljedice, nove patnje i traumu potencijalnom svjedoku. Odjel za podršku svjedocima je u 2017. godini pružio usluge za ukupno 102 svjedoka u 19 krivičnih predmeta.

U 2017. godini između Kantonalnog suda u Zenici i Općinskih sudova u Zenici i Kaknju su potpisani Memorandumi o razumijevanju temeljem kojih će stručni saradnik za podršku svjedocima Kantonalnog suda u Zenici pružati psihološku, emotivnu i druge vidove podrške traumatizovanim svjedocima/žrtvama u krivičnim predmetima koji se procesuiraju pred Općinskim sudovima u Zenici i Kaknju, kao i pružati sve vidove podrške u okviru poslova vezanih za maloljetne počiniocima krivičnih djela.

Kantonalni sud u Zenici je ostvario dobru saradnju sa Nadzornim tijelom za praćenje provođenja Državne strategije za rad na predmetima ratnih zločina, Atlantskom inicijativom, Pravnim fakultetom Univerziteta u Zenici, OSCE-om, kao i općinskim sudovima na području Zeničko-dobojskog kantona.

Kantonalni sud u Zenici je podržao projekat „Monitoring sudskih procesa u oblasti rodno zasnovanog nasilja u Bosni i Hercegovini“ i omogućio predstavnicama Centra ženskih prava Zenica praćenje sudskih procesa u slučajevima seksualnog i rodno zasnovanog nasilja.

Izuzetno dobra saradnja je ostvarena sa Ministarstvom za pravosuđe i upravu Zeničko-dobojskog kantona koje sudu pruža materijalnu podršku kako bi se rad odvijao nesmetano, pa je tako tokom 2017. godine došlo do vanrednog obezbjeđenja novčanih sredstva u visini od 30.000,00 KM za kupovinu novog službenog putničkog motornog vozila Kantonalnog suda u Zenici.

Nadalje, dobra saradnja je ostvarena i sa Institucijom Ombudsmana BiH, Ministarstvom pravde Federacije BiH, Regionalnom advokatskom komorom, kao i drugim institucijama sa kojima se sud susreće u svom radu.

U Kantonalnom sudu u Zenici u 2017. godini nisu pokretane interne procedure niti je bilo zabilježenih slučajeva seksualnog i rodno zasnovanog uznemiravanja nosioca pravosudne funkcije i ostalih zaposlenika suda.

VII - ZAKLJUČNE NAPOMENE

Iz podataka navedenih u ovom izvještaju je evidentno da je Kantonalni sud u Zenici i u 2017. godine postigao zapažene rezultate kako u pogledu kvantiteta rada, tako i u pogledu kvaliteta rada. Programom rada suda za 2018. godinu je planirano da se očuva kvalitet rada suda, da se na svim referatima koji su ažurni održi ažurnost, a da se na drugostepenom građanskom referatu i dalje nastoji smanjiti broj neriješenih predmeta i poveća ažurnost. Cilj koji ovaj sud želi postići je da se najveći broj predmeta rješava u zakonom propisanim rokovima. Posebna pažnja će i dalje biti na predmetima ratnih zločina, organizovanog kriminala korupcije, pa će ovi predmeti imati apsolutni prioritet u radu. Sudska uprava će kontinuirano pratiti i unapređivati radne procese, sa ciljem efikasnog korišćenja materijalnih i ljudskih resursa.

I u ovoj godini posebna pažnja će biti usmjerena na dalje kadrovsko jačanje suda, prije svega u pravcu obezbjeđenja stručne osobe za odnose sa javnošću, kako bi se stvorile dobre pretpostavke za blagovremeno i kvalitetno informisanja javnosti o postupcima u sudu i radu suda u cjelini. Istovremeno, vjerujemo da će nadležni organi vlasti i dalje pružati neophodnu materijalnu potporu kako ne bi bio doveden u pitanje rad suda.

- Prilog:**
1. Protok predmeta po referatima i vrstama predmeta za period 01.01.2016. do 31.12.2016. godine
 2. Protok predmeta po referatima i vrstama predmeta za period 01.01.2017. do 31.12.2017. godine
 3. Statistika trajanja predmeta po referatima, vrstama predmeta i načinu završetka za period 01.01.2017. do 31.12.2017. godine
 4. Tabela I- Kvalitet sudskih odluka po vrstama predmeta
 5. Tabela IIa – Ostvarena orijentaciona norma (Elektronski obrazac za obračun ostvarene orijentacione norme iz člana 5. Pravilnika o postupku ocjenjivanja rada predsjednika sudova, sudija i stručnih saradnika)
 6. Pomoćna tabela za obračun norme prema članu 9. Pravilnika o orijentacionim mjerilima
 7. Tabela IIIa – Kvalitet sudskih odluka po nosiocima pravosudnih funkcija (Elektronski obrazac za obračun kvaliteta odluka iz člana 5. Pravilnika o postupku ocjenjivanja rada predsjednika sudova, sudija i stručnih saradnika)
 8. Tabela IV, IVa, IVb, IVc, IVd – Odluke Ustavnog suda BiH

Predsjednica suda

Snježana Čolaković

Dostavljeno:

- 1x Visokom sudskom i tužilačkom vijeću BiH
- 1x Vrhovnom sudu FBiH-uz priloge pod rednim brojem 1 i 2
- 1x Federalnom ministarstvu pravde- uz priloge pod rednim brojem 1 i 2
- 1x Ministarstvu za pravosuđe i upravu
 - Zeničko-dobojskog kantona- uz priloge pod rednim brojem 1 i 2
- 1x a/a